

科尔沁右翼后旗志

一

弁言

夫世態演變人群進化日征月邁曾無已時苟不有紀述則演變之跡進化之序莫由知也正史者紀國家之全貌野乘者紀私人之事跡而於地方之掌故社會之情形民生之狀態滄桑之推移亦莫得而知也於是乎則有志書以彌其闕焉

本旗三百年來狂榛相沿文獻無徵近世又變亂迭更檔案無存今且新國肇興旗政亦遂更張躍進所謂演變進化日新月異倘乏紀述則地方之掌故社會之情形民生之狀態滄桑之推移勢將新陳嬗蛻必至湮沒無聞將何以承先啓後耶

本署內務科長伯君惄然憂之蓄意修志也久矣而以時以人



均苦難實現茲幸利本年伏暑休假之暇請准長官組設會體以
董其事并命余捉刀以從事

余自維學識謏陋以蚊負山任務難達然以居旗久各長官以
熟諳旗務相責難辭謝不獲祇有不揣拙劣承乏擲管奈暑期匆
促未克蒞事數月來每於公餘抽暇纂載卒底於成惟是草率成
帙難免謬誤祇堪覆瓿庸敢出示大雅尚希繼此修志者有以正
之耳是為序

康德五年十一月望日

盧伯航 謹識

科爾沁右翼後旗旗誌主編者

任 務 職

銜 氏

名

備

考

總 裁

旗 長

巴 彥 那 木 爾

副 總 裁

參 事 官

小 西 京 太 郎

編 纂

盧 伯

航

文 教 股 勤 務

校

勘 總 務 科 長

陽 升

阿

校

勘 內 務 科 長

伯 喜 那 森

調

查 警 務 科 長

博 彥

圖

調

查 行 政 股 長

郎 布

調

查 財 務 股 長

阿

那

調 查 總 務 股 長 博 彥 都 郎

調 查 產 業 股 長 格 爾 勒 圖

調 查 會 計 股 長 慶 極 儒 模 圖

校 對 財 務 科 員 張 德 潤

校 對 韓 麟 符 行 政 股 勤 務

膳 錄 全 前 全 前

照像收 四頁

題詞

西科後旗誌題詞

承先 啟後

興安南省長壽明阿

西科後旗誌題詞

稽古 徵今

興安南省參與官中村撰一題

科爾沁右翼後旗之誌初刊

瞭如指掌

興安南省民政廳長瑪尼巴達喇

西科後旗誌刊行紀念

煌々巨製

興安南省文教科長達瓦敦斯尔

旗誌目次

第一章 湖原

一

第一節 旗之沿革

二

第二節 王公系統

五

第三節 旗舊制度

七

第四節 建國前之地方情狀

十

第一項 壬子之亂

一一

第二項 屯墾之變

一二

第二章 地誌

一八

第一節 地理

一八

第一項 位置

一八

第二項 疆界

一八

第三項 面積

二四

第四項 山嶺

二五

第五項 河川

二六

第六項 古蹟

二七

第七項 風景

三〇

第八項 陵寢—鄂博

三二

第二節 氣象

三四

第一項 氣候

三四

第二項 經緯度

三五

第三項 雨雪節期

三五

第四項 日出入時刻

三六

第五項 歲時

三六

第三章 政治

第一節 旗公署組織

第一項 組織沿革

第二項 組織系統

第三項 分科分股規程

第四項 各種單行規程

四八

第五項 旗公署職員姓名表

七〇

第六項 歷任參事官紀畧

七六

第二節 地方現行制度

七八

第一項 努圖克叻查之組織

七八

第二項 努圖克叻查現員表

七九

第三項 行政區劃圖

附頁

第四項 現行政系統

八〇

第三節 治安

八〇

第一項 一般治安情勢

八一

第二項 警察制度之變遷

八二

第三項 警察現員姓名表

八二

第四項 警察訓練經過

八三

第五項 保甲自衛團之遞嬗

八四

第六項 治安隊

八五

第四節 文教

八六

第一項 教育概況

八六

第二項 學校

八八

第三項 社會教育

八九

第四項 教育會

九一

第五項 寺廟

九七

第六項 喇嘛

九九

第七項 宗教調查

一〇五

第五節 土地制度

一〇五

第一項 荒務局

一〇六

第二項 丈放荒地

一〇九

第三項 放荒章程

一一七

第四項 地租——小租

一二四

第五項 戶地

一二七

第六項 留界

一二九

第七項 陵界

一三九

第八項 招墾章程

一三〇

第九項 田地

一三三

第十項 街基招佃

一三六

第十一項 街基章程

一三七

第六節 財政

一四一

第一項 財務概說

一四一

第二項 地方稅目稅率

一四三

第三項 各年度收支

一五五

第四項 徵租局

一五七

第五項 國家歷年補助金

一五九

第六項 行政借款

一五九

第七項 旗有財產

一六〇

第八項 國稅徵收

一六一

第七節 金融

一六二

第一項 金融概況

一六二

第二項 通貨

一六三

第八節 交通

一六三

第一項 道路

一六四

第二項 通信

一六五

第三項 電話電報

一六六

第四項 橋樑

一六七

第九節 村落戶口

一六八

第一項 全境戶口

一六八

第二項 村落名稱—距離

一七〇

第三項 村落新舊名稱表

一七二

第十節 司法

一七四

第一項 司法沿革

一七四

第二項 現行司法制度

一七七

第三項 司法員名表

一七七

第四項 監所

一七八

第十一節 救濟事業

一七九

第一項 災害

一七九

第二項 請賑

一八一

第三項 賑糧賑款

一八二

第四項 貸糧貸款

一八三

第五項 義倉

一八三

第六項 家畜貸付

一八九

第四章 人事

一九六

第一節 風俗

一九六

第一項 氏族

一九七

第二項 衣食住

一九八

第三項 家族關係

二〇二

第四項 娛樂趣味

二〇三

第二節 禮儀

二〇四

第一項 婚姻

二〇五

第二項 祭祀

二〇八

第三項 喪葬

二〇九

第四項 酬酢

二一〇

第五項 節令醜贈

二一〇

第三節 生活狀況

二一〇

第一項 農業

二一一

第二項 牧畜

二一二

第三項 商工

二一三

第四項 社會事業

二一四

第四節 傳記

二一五

第一項 人物

二一六

第二項 氏族

二一七

第五節 懿行

二一八

第一項 孝弟

二一九

第二項 貞烈

二二〇

第五章 物產

二二三

第一節 農業

二二三

第一項 農業品類

二二三

第二項 農事試驗場

二二六

第二節 動物

二二七

第一項 家畜

二二七

第二項 家禽

二二七

第三項 野獸

二二八

第四項 野禽

二二九

第三節 山產

二二九

第一項 山貨

二二九

第二項 毛皮

二三〇

第三項 藥材

二三一

第四節 水產

二三二

第一項 漁業

二三二

第二項 魚類

二三三

第三項 鱗介

二三四

第五節 金石

二三四

第一項 石產

二三四

第二項 金屬

二三四

第六節 手工品

二三五

第七節 文藝

二三六

第一項 文詞

二三六

第二項 歌曲

二三八

第三項 聯對

二三九

第一章 朔原

自東亞世運開明蒙古民族即崛起朔漠南北代有興替然以天寒地冷樹穀弗宜遂致生活趨向游牧文教難敷事蹟鮮傳迨元太祖成吉思汗起兵征服歐亞世祖忽必烈入主華夏而蒙古之號始定蒙族之強彼時亦莫能與京厥後散居各地歷代偃武修文勢力寢衰至元順帝棄大都北歸上都控制失御元社以屋然猶存臨蒙古舊地仍保汗號傳至達延汗復日強盛其孫俺巴併有青海西藏等地比林丹汗當國暴戾不道侵陵諸部有奧巴者遂率衆東來奠居科爾沁地方即今吐什業圖（西科中旗）其地也

查科爾沁地方在中國秦漢為遼東郡北境在後漢為扶餘鮮
卑地在南北朝隋唐為契丹靺鞨地在遼為上京東城及東京北
境在金分屬上京及咸平路在元為開元路北境在明置福餘外
衛以元後兀良哈為都指揮掌衛中事洪熙間蒙古臣河魯台為
瓦剌所破其弟奎蒙克塔斯哈喇元太祖弟哈布圖哈薩爾十六
世孫也依兀良哈因同族有阿魯稱爾沁故號嫩科爾沁以自別
是為科爾沁號之起原也

奧已弟圖米偉徵諾彥於天命十一年隨奧已投清賜號岱達
爾罕分據我旗今地為本旗開基始祖查本旗為古靺鞨地遼置
衍州安廣軍領宜豐一縣金廢元為乃顏分地為扎薩克鎮國公

游牧地扎薩克駐額木圖坡即今已放地安廣界內也諾彥恤衆
愛民蔚成部落時值勝清蹶起東方用兵闕內遂率衆從軍多立
戰績清天聰五年大凌河口一役擒明將張春破其軍攻錦州潰
洪軍銳旅三營征服綏遠州從軍入關戰勝畿北諸敵攻遵化州
陷之隨親王濟爾哈郎攻陷北京天安門以事召還嗣子喇嘛什
希默爾根步武先烈屢建戰功崇德元年始受封拜為扎薩克鎮
國公爵世襲罔替置佐領等官崇德二年從軍破義州崇德六年
從默爾根郡王多爾滾攻破錦州大敗明督師洪承疇軍及清定
鼎燕都永作藩服劃疆而治焉

第一節 旗之沿革

元代之興也有蒙古之號尚無盟旗之稱數百年中部落相承
定名蒙旗要自清始所謂旗者仿滿洲行軍八旗之制盟者師春
秋諸侯集會之義良以清室肇興蒙古率土來歸統一中夏厥功
甚偉清室待以殊禮錫以藩封北蒙仍存汗號南蒙則改部落為
旗集旗為盟既便軍政合一又可自行統制實為軍國遺意兵即
民民即兵故旗下有佐領驍騎校等官略同滿洲八旗之制焉

盟為蒙古地方最高行政組織其地位等於清室各直省所以
監督各旗政務而隸屬於中央者也蓋旗與旗之間不能無交涉
官與民之間不能無關係於是紛爭與不平難免發生故於各旗
之上設盟長以統制之合數旗而於一定時期會盟於一定地點

清理政刑討議興革巡查邊防制定章則校閱軍兵亦即沿襲在昔帝國時代庫里爾泰大會之遺意也考盟制濫觴於天聰六年清太宗之征察哈爾其後理藩部據以為例并以會盟地點為各盟之名稱例如哲里木盟十旗會盟於哲里木山之鄂博因即以為盟部名至盟長係由各旗王公中輪選經中央任命於舉會盟之典外則駐其本旗所特設之盟長衙署猶置副盟長及幫辦盟務等官以輔佐之他盟從略茲將哲盟各旗系統列左

科爾沁左翼前旗

科爾沁右翼前旗

科爾沁左翼中旗

科爾沁右翼中旗

科爾沁左翼後旗

科爾沁右翼後旗

皇帝—理藩院—哲里木盟—

扎賚特旗 杜爾伯特旗

郭爾羅斯前旗 郭爾羅斯後旗

自滿洲建國廢止扎薩克名號而上溯至元太祖時代其間七百餘年歷經三十二代有清以前因史乘未備僅知歷代氏名其詳則無從稽述及移據科爾沁從軍有功得邀封典奧巴弟兄分地而治我旗始祖圖米偉徵諾彥乃奧巴之從弟也世代相傳屏藩王家二百年來地方殊少變革承平日久政務亦無進展歷代公爵每歲所領俸銀額列如左

爵別 俸銀 俸級 備考

親王 二〇〇〇兩 二五疋

664835



郡王 一〇〇〇兩 一五疋

貝勒 八〇〇兩 一三疋

貝子 五〇〇兩 一〇疋

公 爵 四〇〇兩 一〇疋

本俸三百兩正月八日午門賞五十兩回旗賞五十兩

至第十代公色旺道爾吉奉命幫辦盟務繼在京供職頻叨寵

榮旗內亦日繁盛迨第十三代公拉喜閔珠爾值清季葉每以年

班晉京述職且迭貢良驥朝廷錫貂褂崇級銜恩禮優辱詎辛亥

革命軍興清室遜位本旗及扎賚各旗之有志者為擁護帝制反

對民主糾眾謀抗卒以強弱不敵事敗本旗因之損失不貲越年

事平正安集流亡而拉公薨於京邸無嗣今旗長巴彥那木爾以
旁系入續統緒襲公爵時已民國十年矣與民國各自為政不相
聯協雖有廢止藩號優待蒙旗之條文但僅虛聲而實惠不至初
旗之行政衙門稱公府後改稱扎薩克公署近年又簡稱旗公署
茲我滿洲建國旗制公佈是誠名實兩符之旗公署矣清時旗隸
於盟盟隸理藩部民國改理藩部為蒙藏院及脫離民國舊政權
旗隸興安南省上達各部及興安局

民十八屯墾軍突來旗設屯墾公署於白城子於旗置墾殖局
且屯重兵佔放荒地人民惶惑忽九一八事變勃發屯墾潰滅滿
洲建國地方奠定大同元年七月改組旗公署然以兵匪紛乘地

方疲敝以故因陋就簡未改舊觀迨康德元年旗署規模粗具地方各機關亦次第設置循序進步以至今日

第二節 王公系統

蒙旗王公爵號始於滿清定鼎之初以系統考之我旗首受封拜之扎薩克鎮國公為喇嘛什希默爾根諾彥蓋為肇基本旗始祖清封岱達爾汗圖未偉徵諾彥之子而首先率眾投清圖旗始祖奧巴之猶子也查元太祖成吉思汗弟哈佈圖哈薩爾下傳至十六代孫名奎蒙和塔斯哈拉諾彥生子二人長子為奧巴之祖父支派繁衍而分為哲盟九旗之祖次子那木達拉噶拉吉古諾彥生子哲格爾德諾彥諾彥生子圖未偉徵是為本旗之祖也計自太祖至圖未偉

徵共為十九代岱達爾汗圖米偉徵傳長子喇嘛什希默爾根岱達
爾罕始改封公爵順治四年薨逝長子色楞繼承襲爵至順治十八
年薨逝長子圖斯格爾繼承襲爵康熙三十六年薨逝自圖米偉徵
至圖斯格爾四世陵寢地點均不明圖斯格爾長子圖努瑪拉繼承
襲爵雍正三年薨逝由長子拉麻扎佈繼承襲爵乾隆十九年薨逝
長子博彥德勒格爾繼承襲爵乾隆二十年又薨無嗣以侄閔珠爾道爾
吉繼承襲爵乾隆三十三年薨逝長子色木丕勒扎瑪蘇繼承襲爵嘉
慶七年薨逝長子色旺道爾吉繼承襲爵復幫辦哲里木盟務晉京
供職賞戴花翎又乾清門行走銜於道光十二年病發辭官咸豐四
年薨逝因長次子均早歿以三子烏勒吉濟爾嘎拉繼承襲爵賞戴

花翎及乾清門行走銜叙勳七級道光二十一年薨逝長子特古
斯璧禮克圖繼承襲爵賞戴花翎及乾清門行走銜加三級光緒
十三年薨逝長子拉喜閔珠爾繼承襲爵拉公屢駐京師迭蒙恩
沛賞戴雙眼花翎御前行走銜又賞穿花貂馬褂串朝馬加紫韁
於冬季復賞乘冰船恩禮可謂厚矣詎顯耀未艾革命軍興湘鄂
鼙鼓晉豫烽烟清室隆裕太后慮民糜爛遜政退位於民六九月
五日拉公薨於京邸蓋以憂憤遘疾卒以不起無嗣以猶子巴彥
那木爾過繼襲爵迨我滿洲建國廢扎薩克制改為旗公署巴公
亦即去爵秩而被任命為旗長以迄今茲自拉公上迄圖努瑪拉
公計九代均殞於旗未放地之陵界茲特表列歷代王公系統如左

元太祖成吉思汗

弟哈佈圖哈薩爾——子恩和蘇默爾——子安達喜利——子和

伯格泰格根——子布爾哈色欽——子哈巴齊旺——子喜勒們

圖爾格齊——子敖拉嘎齊默爾根——子河嘎喜拉泰默爾根

——子哈齊湖祿克——子安達賚默爾根——子義存湖——子敖

拉瑚默爾根——子寶利海——子圖伊穆伊濟雅齊——子奎蒙

和塔斯哈拉——子那穆達拉嘎拉珠——子哲格爾德——子圖

朱偉徵

(以上清代前之系統)

子喇嘛什希默爾根——子色楞——子圖斯格爾——次子圖努

穆拉 子拉麻扎佈 子博彥德勒格爾 子閃珠道爾吉

子色穆丕勒扎木蘇 子色旺道爾吉 三子烏勒吉濟爾嘎拉

子特古斯璧禮克圖 子拉喜閃珠爾 子巴彥那木爾

第三節 旗舊制度

旗為蒙古地方之唯一自治區域而又為政治組織之基本單

位其地位等於清之州縣而其體制轄境實過之旗之長官曰扎

薩克統治全旗儼若國君舉凡行政軍事司法等大權胥由各旗

自主中央政府不加干涉蓋即古封建時代諸侯之遺意內則採

用合議制度旗政皆由扎薩克及全旗官員商決執行俗稱堂議

亦係沿用庫里爾泰之制凡得出席會議者均稱堂官凡經堂議

議決事項扎薩克亦殊難變更故旗之行政質言之以自治為經
會議為緯各旗均若斯本旗亦烏能例外

旗自扎薩克以下置協理二人輔佐之以辦理旗務其次置管
旗章京一人為管理全旗一切行政者又置梅倫章京（即參領）
扎蘭章京（即佐領）印務梅倫印務扎蘭軍務章京軍務扎蘭
及筆帖式達筆帖式等官員

旗之初設也地方組織未臻完善迨後戶籍日繁而制度亦遂
周備查旗地方制每十戶為什分置什家長一人辦理十家戶內
一切事務集百五十戶為一佐置佐領一人驍騎校一人領催六
人管理之每三年一比丁（即清查戶口）多則分佐少則合併

給其牧地定其徭賦審其戶籍制其婚嫁予以賞罰示以禁約每戶均有壯丁一人服兵役故佐即為地方自治之初級單位為常備軍^隊之基本體系滿四或至六個佐則選置參領一人督率之參領直轄於旗公署遇有地方重大事件則由旗公署招集參佐領等堂議施行呼應極為靈敏厥後承平日久忽軍務而側重政務致地方制度屢有變革員役名稱亦漸改易如參領佐領駙騎校領催等名目漸形蛻化而改蒙語如努圖克達即參領之變相扎蘭章京即佐領之易名愛里達即什家長擴充之稱謂蓋因戶口日繁事務演進因革損益乃係常例茲將本旗舊官制及分擔事務列表如左

官 職 員 額 任

務

扎薩克鎮國公

一 總括一切旗務

協理台吉

二

一 輔佐扎薩克管理軍務
一 輔佐扎薩克管理政務有時得代理扎薩克

候補協理台吉

一

協理台吉有事故時得代理或補額

管旗章京

一

管理全旗一切行政事務

梅倫章京

二

分左右二翼辦理一切行政事務

印務梅倫

一

辦理文書人事之項

印務扎蘭

一

辦理收發文件及監印事項

軍務扎蘭

一

辦理軍務籌備事項

軍務章京

一

辦理軍事訓練事項

筆帖式達 一 辦理校對文書及保管檔卷事項

筆帖式 無定額 掌管謄錄辦理雜務

努圖克達 四 掌管戶口錢糧台吉軍務等事項

副努圖克達 四 為輔佐努圖克達辦理上項事務

扎蘭章京 四 掌管戶口錢糧徭役壯丁等事項

章京 十六 承扎蘭之指揮辦理地方事務

昆都 十六 佐章京辦理地方政務

博碩呼 十六 佐昆都辦理地方政務

愛里達 無定額 辦理村屯事務因村屯多少而設

上列各官為辦理旗之公務者此外關於公府事務又特設官

吏以掌之如哈藩為總管公府事務之官包義達為掌管家政之
官如族長然圖祿黑古爾沁為辦理公府庶務之官承哈藩包義
達之命而掌管庫倉鎖鑰及購置物品進退僕役等事

旗之財務收支於公府則哈藩等人掌管之於公署則由當值
官吏掌管之初無公私之分與專任之人而一憑扎薩克之意見
處理由旗官吏奉行承辦而已至於官吏及地方職員有酬勞而
無薪俸視充差為應盡義務且求之非易者

民元以降中央設蒙藏院及蒙藏委員會以統制各旗而於旗
之地方制度則無何更易名為五族共和其實無痛癢之相關不
過羈縻而已於初元公佈優待蒙旗條例之外又許有參政權合

內外蒙十四盟部規定代議士二十七名本旗壽公明阿曾被選為第一屆參議院代議士然以風情習尚之不同毫無裨於地方且蒙旗王公制度根本為民國主義所難容徒以彼方變亂相尋未能顧及二十年來旗方得保舊規迨九一八事變後我國建立滿蒙一家於中央特設興安總署以統轄各旗廢王公盟長等尊號地方政治日進有功嗣復改總署為蒙政部近又改部為興安局旗政分隸中央各部主管而以省為綜合監督機關王道樂土與曩之情狀迥乎不侔矣

第四節 建國前之地方情形

自清初建旗以來封地南北袤長七百餘里居民多在南部即

洮河兩岸也北部地雖腴沃然以山脈縱橫氣候亦寒不如南部之耕牧咸宜奕世相傳生聚日衆會光緒三十年前後郭旗已竟出放旗荒清之大吏商妥本旗以借地養民為辭續放洮河以南荒地適甲辰日俄之役東北騷然賊匪乘機竄起恐受蹂躪因之公署北遷奠居西北部之錫博吐山麓并以數十萬銀新建公署百四十餘棟旗民多隨徙往而已放之地安廣因以設治此地方變化之初步也迨宣統元年經洮南府尹兼荒務局總辦一再要求續放洮河以北荒地彼時旗逢災歉需款救濟遂又續放恭寬信敏惠五大段荒宣統三年續放新安明字段荒而鎮東因以設治蒙旗人民又多隨北徙此地方變化之再現也然而捨棄舊土

締造新居雖受種々艱困猶不過為行政區劃之變遷尚無偌大損害惟丁壬子之亂與夫屯墾之變為本旗致命打擊地方情狀大異曩昔茲述其詳於後

第一項 壬子之亂

宣統辛亥革命起於華南不數月而清帝遜位改國共和蒙旗

三百年來與清廷關係殊深且不喜民主政體也於是本旗及扎薩克圖扎賚特兩旗人士思所以擁護帝制抗拒民黨之策適外蒙活佛哲布尊丹巴宣佈獨立脫離民國各旗益受衝激然以無款無械持重者多主忍隱以待時機之推移乃躁急者不諒思揭竿斬木以定大事越歲壬子七月在洮河流域各縣留居之蒙民

首先發難到處以驅逐漢民恢復舊土相號召奸民乘之益肆殺掠吳俊陞者時為奉天後路統領帶兵駐洮南遽倉皇入告調兵勦捕聲勢洶々欲假之以邀功驅殺蒙民不分良莠以斬獲為得計部下素多悍匪更以為千載難逢之標掠良機因之事態益重戢止登絕本旗拉公及扎旗烏五見息亂無術蒙民之塗炭難免也遂蒐集武備佈置警戒奈數百年來相安無事人不知兵倉猝禦敵甚感棘手然為情勢所迫形同騎虎佈前鋒於葛根廟等要隘以素乏訓練之民兵當久經戰陣之勁旅甫經交綏輒爾敗北不得已率全旗官民避走外蒙扶老携幼婦號兒啼遺襁褓於長途棄室家為荒墟傷心慘目動魄驚心嗚呼陰霾四塞河山之景

象全非烽火際天大元之子孫奚往誰為之孰令致之造斯慘
局殊可憾焉越數月乃抵外蒙避難有地謀生無心吳軍窮追抵
本旗之海力吐斯時老幼窮窘無力遠逸者為數尚夥被該軍慘
殺多命甚且將乳臭小兒亦割及刺斃至旗公署將屋宇卷檔咸
付一炬半椽弗存本旗之精華一旦喪盡當張皇出走也不惟貴
重品遺棄不暇顧及即牛羊群等猶有未及驅行者亦有將價昂
什物銀錢重器埋藏於地中者均被發掘以去搜括之密可云至
矣嗣經外蒙出為調停訂立契約經過四年之久始重賦歸來於
民國四年春拉公率同官民重返故土觀泥沙之折戟感喟滄桑
見敗瓦與頽垣淒涼枯骨尸口星散畎畝塵封於是收合餘燼重

立邦基召集流亡再整舊業故署成瓦礫之場不能居住卜居於
旗中部額爾格圖屯餼民房暫寓焉人民經變亂之餘財竭物盡
歸來之後動至竭蹶牽蘿以補屋堆土以為垣幸值年稔尚堪溫
飽民六拉公至京勾當公務遂卒於京邸已公繼之勵精圖治以
巨款修建公府於洮河東岸之察爾森屯與民休息不事更張旗
民日復元氣漸至富庶牧畜之夥幾與壬子前相埒數年中方且
謳歌昇平詎至民十八而有屯墾之變

第二項 屯墾之變

查自有清季葉本旗以壬子一役兵燹之餘人民轉徙逃散幾
等覆巢迨乙卯春季始召集流亡重理舊業歷十數年之休養生

息民困稍蘇農村生氣勃然大有發展之望突於民十七古歷九月下旬有大軍開入旗境第三團之長名趙冠武者帶全團官兵駐居旗署附近相距不出百步營帳櫛比戒哨星流民衆惶駭罔知所措經探詢結果始悉為來旗屯墾者在白城子設置屯墾軍督辦公署并劃西科前後及扎賚特旗南及白城鎮東為屯墾區域來旗屯墾之後即搜求糧秣賤價購買勒令人民供應舉日用所需莫不索自村民鷄犬夜驚人民遠竄旗公署尤成為支應之地日惟酬對之不暇鄉里細民憚厥嚴威予取予求誰敢較量且征發車馬不顧農時蒙旗熙恬相承從未遭此紛擾今一旦驅策聽人寢饋難安尋有佔田奪產拉夫修工等事人心益浮動曾經

蒙民額升阿等三十餘名具呈公署請求制止公署特函該軍無效不得已致函蒙古各盟旗聯合駐京辦事處請彼公諸輿論設法制止并一再要求東北政委會及蒙藏委員會勿令該軍侵權佔地肆行壓迫乃呼籲無靈徒深浩嘆旗民亦公推代表具建議書揭告屯墾種種非法毫無結果坐視大好土地任彼宰割矣茲特將致辦事處公函錄出以見當時之情況一斑

逕啟者查自興安屯墾軍開入旗境之時本旗未奉中央政
府及東北政務委員會之命令是以旗下官民並不知曉突
如前來隨意屯駐其時方在嚴寒沿途民戶不論貧富家々
住兵蹂躪之苦無一幸免而又攤派車輛輸運兵丁牛被宰

殺車被劈燒聲勢浩大如臨戰場是時旗民所受損害之劫實出意外聚談者論罪偶語者施罰日夕驚惶不知所措牲畜財產之損失難以數計轉年春風解凍擇地屯田乃竟硬佔民地強住民房兇狠暴虐罄竹難書距公府里餘建築營坊數百間名為屯墾實在屯兵旗民被擾遷徙者不知凡幾自駐兵之後該軍猶以為未足盡其殘暴手段任意選佔旗荒并誘致奉天文武要人各處設墾佔墾視其隨意如入無人之境寢假而鎮旗全土已成屯墾之所有矣且無一事與本旗磋商地方政務由彼隨便處理是以本旗民衆特行建議分呈上級衙門吁統求援目的在保守蒙旗制度土地茲

既荷貴處代為轉呈倘蒙查辦或有一線生機之望諸勞維
持良深感泐此本旗受興安屯墾之大害人民不得生活實
情特函查照并請公諸輿論藉明真相一次不成再接再厲
語長紙短不盡縷之此致

興安屯墾軍除在本旗駐有軍隊外又設立墾殖局於旗署北
方查該軍之第一墾殖局設於王爺廟此間所設乃第二也局中
辦事儼同各省設治局性質在成立之前即先派來白姓委員勘
丈本旗荒地時民十九之春間也先於好坦扎拉嘎及額爾格圖
等村起丈量南至鎮東縣界東至扎賚特旗界西至西科前旗界
北至好天加拉嘎及夾海斯臺南山脊為界共劃分一百六十八

號按其地勢位置面積數目繪為圖說檢送來旗此段該屯墾當局曾預先聲明留作蒙民生計地者將旗境其餘丈放之後乃自食前言續將此段亦放出旋於民二十年四月第二墾殖局始通告正式成立佔據本旗學校々舍局長為王椿元驕橫尤甚派繩員多名將旗荒丈量後放給漢戶且將蒙民熟田括於荒中一律出放當時人民出頭抗爭者數十人被強佔熟田數百垧其他默爾無聞者尚不知幾許即或有所撥留之荒地每垧須納丈費兩角本旗以該局有違興安屯墾公署公佈章程也當函該署請迅加制止乃勘丈出放稍不停息詢詰繩員則云未奉局令不敢中止及詰該局則云未奉署令合當若是辦理比又函催該署則謂

已經行令停丈可以稍候如此輾轉推諉直無頭緒旗方限於力弱亦祇吞聲飲恨已耳

第二墾殖局自丈放旗荒之後又得寸進尺進一步侵奪扎薩克政權凡旗境之行政司法咸由該局辦理不准旗署過問如調查戶口實施槍證檢舉犯罪等率意孤行非第不准旗方辦理且并不通知以此激起衆憤環向旗署請求與之嚴重交涉爭議時起均歸無效因之雙方意見益形對立時該軍擬自白城子經王爺廟及本旗而達索倫山之縱貫鐵路一綫興工建設修至旗境佔去民田多處更故意竊佔公府房屋勒令即日拆除以便土道通過經再三磋商始改路線由府後垣根通過據個中談稱原定

路線為經本村之東山麓嗣與旗方齟齬始向公府穿過欲以相難也旋屯壑潰滅未及敷設鉄軌而罷今成廢塹矣

壑殖局操持旗政凡民縣所施之捐稅轉施於蒙旗勒令人民擔負否則處以違抗之罪名人民惴々捍擋所有以輸納之莫敢延緩蒙民千百年來游牧生活不習耕稼出作入息不識不知向無擔負稅捐之例僅不過有時攤派用供旗署之費用而已茲驟以擔負加身而終年胼胝所得有限何堪支應故分向旗署訴苦請求辦法本署再函屯壑公署要求減免但如泥牛入海概無答覆惟有徒喚奈何耳

查民國二十年來旗制未改扎薩克公爵依然存在為中央所

公認者乃屯墾之來勢同賊匪程放旗荒奪蒙民生活之源侵奪
旗權藐國家已定法令橫佔民產置平民於困厄之地本旗雖百
計爭持平因軍閥勢重不可力抗中央政府充耳無聞以若不關
痛癢然際此蒙民生死關頭掙扎無力之際幸九一八霹靂一聲
致橫行一時之屯墾鼠奔狼竄銷聲匿跡彼當時所招徠之民戶
亦均隨一同逸去而始恢復旗之舊日體制此誠本旗地方最大
變動而蒙民最堪紀念之厄運也其所遺殘骸僅有東西華農及
怡信公司督辦高堡試驗場與各軍閥首腦之別墅等類垣敗堵
欹斜於荒沙蔓草間蛛封土窟鴉噪夕陽除供過者之憑吊盛衰
外別無可顧之價值迄今凡六閱星霜恐坵墟經雨浸風蝕亦跡

象莫改矣

第二章 地誌

第一節 地理

第一項 位置

旗治位於國都新京之西北距離約九百里在興安南省北部距省治六十里西北至喜扎嘎爾旗治一百一十里東北至扎賚特旗治一百三十里東南至鎮東縣治二百二十里（舊度）

第二項 疆界

本旗疆界由最北端之突角西北昂楚魯山起至後二十家子西止接喜扎嘎爾旗以哈海河為界更由後二十家子西起至葛連昭界堆接西科前旗中有洮兒河分界東南界鎮東縣東北與

扎賚特旗接壤

查安廣鎮東為旗舊疆自出放設治之後本旗又續放東南部鄰接鎮東之荒地三段曰新字段明字段安字段同時並出放焉鞍山南之城基嗣經變亂相仍人民之承領荒地者未能開墾因而未能設治以新字段之距鎮東較近而出放較早也農戶寢假增多亦即隸於鎮東行政區域內迨建國後整理地方行政界劃曾發佈

教令第五十九號將新明安三段荒地劃歸旗治未及實施於
康德元年又以

勅令第三十七號頒佈旨意同前奈以交接委員之怠於進行又

行停輟本旗一再要求早日劃清界址以利政務進行文電紛馳迄無結果遷延復遷延直至康德四年六月中旬始經興安南省公署參與官白濱晴澄與黑龍江省公署總務廳長神尾一春二氏訂關於調整行政區劃之協定大致以新字段劃入鎮東明安兩字段劃歸本旗之縣雙方猶未接洽就緒懸案至今始於本年十月三日實施勘劃由旗縣雙方及興南龍江二省組成委員會劃分清楚茲將該協定及關係文件摘錄於後以覘歸結

龍江興南兩省境劃定及行政調整二關之協定書

一、省界劃定二關之協定

1、景星縣卜扎賚特旗卜之境界八康德元年勅令第三十

七號ニ依リ之ヲ劃定ス

2、鎮東縣ト西科後旗トノ境界ハ康德元勅令第三十七號中西科後旗ノ區域ヲ左ノ如ク修正シ其ノ旗縣界線ヲ以テ之ヲ劃定ス

舊本旗區域中ヨリ安廣縣及鎮東縣ノ雷燈公司高堡老傅家園子七棵樹王家店及葛連昭ノ各部落ヲ連スル線以東ノ地域ヲ除キタル區域但シ上記各部落ハ鎮東縣ニ屬ス

二、關於龍江省內所在蒙旗留界地行政整理問題五項略

三、興安南省ニ移管セラレタル地域ノ行政調整ニ關スル

協定

1、 旗ハ縣ヨル移管ヲ受ケタル地域ノ行政ニ關シ特ニ
留意シ該地域ニ居住スル漢人ノ權利ノ確保及教育治
安ニツキ縣ト略同様ナル施設ヲ為スコト

右協定

康德四年六月二十九日

龍江省公署總務廳長 神尾一春

興安南省公署參與官 白濱晴澄

康德五年九月二十日興安南省民政廳函達對於旗縣境界
案應行準備之件以此為動機預備接收但准來函所述仍依兩

省協定線處理本旗實難贊同當於勘劃委員會席上提出理由書經公議決始改訂界線遂於同年十月三日起訂立旗縣境界確認協定書依以實地勘劃立標樁而本旗與鎮東縣之境界至此始告確定茲將該協定書錄出如左

鎮東縣
西科後旗

境界確認協定書（本文）

關於本縣旗境界決定問題由旗縣雙方協議業已圓滿解決本日由鎮東縣長譙金聲與西科後旗長已彥那木爾於鎮東縣公署對於縣旗境界認定如左

計開

1. 鎮東縣與西科後旗境界依據康德四年六月龍江興南兩

省境界劃定及行政調整協定書內容稍有出入以原協定界線灣曲劃分困難並經雙方協議取成直角便於劃分

北起點從新字段七九零號之西邊線以西為旂界東七九零號為縣界向南直行至一一八一號西邊線以西二二八七號北邊線以北為旗界該一一八一號及二二八七號為鎮東縣界直向西折至明字段二五八二號之北邊線以北西邊線以西之地為旗界該二五八二號為鎮東縣界再直向南至明字段二七二七號之西邊線以西為旗界二七二七號為鎮東縣界

依前文之決定境界線已認定如附圖

2、關於鎮東縣劃出地域內地方捐稅在九月三十日以前者歸縣征收之十月一日以後者由旂征收之

3、鎮東縣催收劃出地域內之舊欠地方捐稅時須通知旂方遇必要時須必旗協助辦理之

4、劃出地域內之戶口冊籍土地台帳及一切伴隨行政管理轄區域而應移交之重要書類應由各縣旂長任命交接委員由縣方自認定之日一個月內之期間分別移交於旗

5、境界線應以適當之實物為標識或建立標樁

6、本協定條文如發生疑義時由鎮東縣長及西科後旗長協議定之

7、本協定書共作成四份由縣旗及兩省委員蓋章縣旗長各存一份並呈報龍江興南兩省各一份

8、本協定書於協定書作成即時有效

增界線略圖

康德五年十月三日

境界接收委員會

鎮東縣長

譙金聲

西科後旗長

巴彥那木爾

龍江省公署委員

江口義雄

興安南省公署委員

孟和濟亞

本旗西以洮兒河與西科前旗為界自勿待述但以地勢論西高而東低日往月邁河身即向東遷移浸蝕土地甚多以沿岸開墾之地尚屬寥寥故未發生問題

本旗西北與喜扎嘎爾旗以哈海河為界在河之西洮河之東哈洮兩流會合之北有地一區俗呼河夾心子歸本旗所屬該地有居民數十家闢地雖無多頗稱膏腴康德四年八月七日准喜扎嘎爾旗函請確認該段為喜旗所管等因當經本旗片倉參事官與喜旗參事官林田隆介躬往該地實地查勘發見確為洮兒河舊流之東哈海河西自近年洮河改道在河夾心之北與哈河合流是該段地域不但在哈海河以西並且在洮兒河之西矣以

哈兆兩河流與喜前等旗分界論皆認為不屬本旗所管為界劃之錯誤可無疑義當經即時容認割讓以公函一四二三號答覆去後並通知第二努圖克達轉飭人民知照是案遂結

本旗最北端為昂楚魯山盡處數百年來毫無問題即關於教令亦謂除安鎮兩縣已放地外旗舊區域毫無變更乃准喜扎嘎爾旗來函藉日教令有沿長春邊牆北上一語解為邊牆為南東二省之界換言之即認為彼我兩旗之邊界本旗既不能容認更未便恣置當擬具理由書詳圖等呈報省方旋又陳述關於本案之意見請求指示而此問題仍未解決已成懸案仍由旗管轄舊地今特將理由意見書錄出如左

關於省旗界線問題謹陳所見請予指示之件

為呈請事查關於興南省行政區劃雖各旗稍有變更而省之區劃仍以原佈教令為根幹無甚改異本旗境界遵照規定除安廣鎮東已放地外概從舊區域而旗之北部昂楚魯山即旗北端之舊區域與各旗分界線也但查興安東省與南省之境界則為自索岳爾吉山起沿南省境界東行自該境界之北端沿長春邊牆北上云云所謂沿邊牆北上而不直曰以邊牆為兩省界線因有本省舊區域尚在邊牆之北也細繹規定當解為沿邊牆東行至本旗屬舊區域而緣邊北上厥義甚明不然以邊牆為兩省界線又規定本旗舊區域豈非矛盾可見原定

斷不如此況長春邊牆為東北東方向與所謂北上文義亦屬不符總之沿邊牆至本旗界當讓出舊區域而北上即捨邊牆北上再東北至諾敏河而下也本旗非敢曲解令文原文可以覆按所陳是否有當理合呈請鑒核示遵

境界理由書

一、西科後旗舊區域

查本旗舊區域自有清分盟以來而各旗之疆界勘定而本旗區域西北端自昂楚魯山起點有道光元年同治七年民國十五年各舊區域圖可以覆按並哲盟長處有舊檔可查明矣古邊牆迤北至昂楚魯山即本旗舊區域無疑況滿洲國成立後

旗之區域公佈本旗區域西北從本旗舊區域起之一語更屬
明瞭

二、興安東省區域

查興安東省區域自索岳爾吉山起沿興安南省境界東行自
該境界之北端沿長春邊牆北上云云所謂北上者即沿本旗
舊區域而北上也非以邊牆為界厥義甚明可見邊牆迤北區
域仍歸本旗毫無疑義

第三項 面積

本旗全境為斜長牛角形由西北端之昂楚魯山起至東南端
之葛連昭界堆及大吉胡界堆長三百五十里東南端寬一百一

十里西北端寬二十里有奇計全面積約佔二萬二千七百五十方里

(附註) 查本旗面積久無精確數字良以曩時封建舊制既不注意及此而測量技術亦乏良材現在所列雖較前差強然亦非的確數目須俟詳加測量再行更正耳

第四項 山嶺

本境內為興安嶺支脈自西北入境由昂楚魯山起紆曲迴環至東南部之馬鞍山及何布特額木勒山止全境為山嶽地帶當建國前屯墾時代曾經令鑛師調查採取鑛苗考驗據云有金銀

煤鉄四種鑛產今我新國成立對於鑛業特別注意想富源所在
必不能令寶藏長久湮埋於地下也茲將境內著名高山臚列於
後以供參攷

昂楚魯山 在旗治西北距二百里

依克昭子吐山 在昂楚魯東南方距旗_治一百八十里

胡蘇台山 在依克昭子吐山之南距旗治一百四十里

依克珠爾噶岱山（亦名大罕山） 在旗治西北距一百二十

里為境內第一名山

高峯挺秀危巖爭奇至每年六月間則旗民集合以三牲致

祭俗稱祭山關於旱澇等事虔誠祈禱多有靈應

好拉寶山 在依克珠爾嘎岱山之南十里許距旗治一百一十里

巴嘎珠爾嘎岱山 在旗治西北距九十里

阿桂山 在旗治西北距六十里山中有石洞一頗悠久詳述古

蹟項

那吉山 在旗治正北距六十里

布達爾千山 在旗治正東距二十五里

阿達爾千山 在旗治東北距五十五里

阿拉嘎山 在旗治東北距六十五里

河布特額木勒山 在旗治正東距一百五十五里

馬鞍山 在旗治東南距一百五十里以其形似馬鞍故名

第五項 河川

本旗境內河流二曰哈海河洮兒河沿西南邊界東流河兩岸多砂磧地以其流域經過多山嶽地帶故也

哈海河 由喜扎嘎爾旗東流自本旗之昂楚魯山入境東南流一百里至後二十家子西歸入洮兒河水流紆緩無舟楫之利每經夏令雨多則山洪注入水勢頗急

洮兒河 發源於西科前旗西北部之索岳爾吉山麓東南流於本旗西北部之後二十家子入境與哈海河會合水勢頗大復東南流一百三十里許至前海力圖屯折而南行經過西

科前旗洮南白城子境復東流為安廣鎮東之界河至大賚
入於嫩江全流曲紆不利舟楫更以兩岸多山一經霖雨即
致汎溢成災冬日河流甚小多有不結冰處產鯽鮎桿條雙
咀子等魚類植物產菱角惜鄉人多不知利用

附泡沼

河勒特格喜哈嘎 在旗治東南距一百六十里泡為圓形周圍
約十五里

圖莫格喜哈嘎 在旗治東南距一百八十里泡為橢圓形周圍
約三十里

阿拉坦黑力斯太哈嘎 在旗治東南距一百八十五里泡為橢

圓形周圍二十五里

迪布勒布拉嘎 在旗治東南一百三十里泡為長圓形周圍約二十里

葛連泡 在旗治東南一百五十里泡為圓形周圍約二十五里
以上各泡入夏後水深約七八尺至秋冬時則略淺且能產鮎
鯽等魚類惟值大旱之年則多乾涸

第六項 古蹟

阿桂山石洞 本旗阿桂山古有石洞二一曰寶地阿桂洞門西南向高可一丈二尺寬一丈一尺深約一丈八尺（舊度）進至後壁高有七尺復有洞門緣梯而上即可入中高寬深均七尺許

內置銅佛一尊木方棹一張洞之東北角有窟一徑一尺深不可測以二丈餘之木杆探之不及底深可知矣洞之四周石壁及地上咸光滑如礪若有人久居然曩以旗民多居南部距洞遠箇中詳跡多未獲見據當地故老相傳清道光時自喀爾喀來一喇嘛不知氏名貌僅四十餘携徒一名色格勒忒覓得該洞掃除內外而居之每日經聲梵號不絕歷歲頗著奇異遠近轟傳詎洞前參拜者日多起絡繹於途所引人敬仰者該喇嘛晨起誦經搖鈴時即由洞中窟內出黑質白章巨蛇一尾徑可盈尺長不及丈顯現後直至喇嘛座側盤伏或有時將棹案所列供品如麩食經水炒米等物啜之不遺喇嘛有時叱責或以念珠擊其首蛇輒斂跡入

窟終日不再出柔馴異常如家中常豢者然從未觸惹外人似其
行止悉聽喇嘛指揮者喇嘛居洞近三十年證果涅槃其徒色格
勒岱繼居啖經修養如故而蛇出現時絕少旋徒亦逝去蛇仍時
盤踞洞中或常現於山上迄今仍存惟見者絕稀

其一距本洞約二里洞門二尺有奇入須伏身蛇行又一丈餘
突有空間如屋寬丈餘寬可二丈非常軒敞中有巨石一其下有
罅竇名喜爾古拉齊魯喜爾古拉齊魯即轉生石之意也若人患
惡瘡或被瘋犬咬傷若急入洞伏身該石由竇一轉其症即愈屢
試不爽頗着靈異人民信仰殊虔亦邊旗荒山之奇蹟也

長春邊牆 西起克什克騰旗經本旗北部東北以抵大黑河

若斷若續建於何代何人亦無可考若奉境之柳條邊然迄今蜿
蜒旗之北部隨地起伏狀如長蛇其完好時形狀雖無以知即以
墟址論亦巨工也

高麗城 城凡五一在索倫他來一在哈爾甘臺一在金山屯
一在好坦營子一在好坦扎拉嘎究不知建廢年代以流俗呼為
高麗城故一般仍沿稱之故本旗在遼元以後已置州衛久無高
麗奄有之傳話何以有城貽留其為無根之談概可知矣各城分
列基址宛然闐闐依稀惟均不寬廣其大者周圍十有餘里小者
僅三四里耳現為保存古蹟起見禁民間闢樵採

水泉 蒙名努不起寶拉嘎自平地突湧水清而冽址在好坦

扎啦嘎東北側努不起者即遙望不見之意也自泉東流成渠蜿蜒數里而沒

新廟 其建置甚古起於何代已無可考距旂公署約二十里許狀甚莊穆昔時梵象甚夥香火極盛今稍衰矣然廟貌猶完整也

中村少佐碑 中村振太郎并杉延太郎為大日本帝國英俊

武官民國二十年秋滿蒙遊歷遂經本旗惟時屯墾軍第三團長闕某蠻橫殊甚邏得二君即加慘害致為舉世所憤激而成滿洲事變之導火線焉其後追贈中村氏為少佐并杉氏為曹長康德二年建碑於旂公署東北距二里許其地群山圍繞一峯孤拔即

置碑於峯頂泐曰中村井杉兩烈士殉難地於其東北二里許為遺骸葬埋之所此有歷史性價值者不可不志之也

第七項 風景

夫大塊假吾以文章杜子美到處行吟四時各呈其景色蘇東坡清遊最樂良以仁者見仁智者見智飛潛動植各具活潑之機月露風雲咸寓奇異樂趣魏武之橫槊賦詩良有以也青蓮之舉杯邀月豈其然乎本旗地非奧區人鮮通才夙乏古蹟奇觀可資憑吊更少騷客文人為之諷詠以似狂榛莽蕩之域無可寓目騁懷之時矣然而山花野卉亦足惹人流連積潦荒闔尚堪供人欣賞舉凡形々色々孰非陶冶性情之天試看雨々風々亦是消遣

身心之地本旗舊有八景洵為偉觀試觀左記當知不謬惜乏珥
筆繪色繪形耳

四時八景

一、西河落照 本城北依高山至城西北隅山盡處斷崖百
尺有奇如壁之屹立石分青白赭紫黃等色平列如層似人工堆
砌者自根至巔咸同洮河自北來由山麓流過每當夕陽西下斜
射懸崖則反映色相入水中遠望之如鋪繡袍光華燦爛厥景至
佳以故經過是地乘時遣興者多徘徊不忍去

東嶺雲封 城東二里許有高嶺自北而南環繞北東兩面峯
巒起伏巖壑隱現以乏豐林少減韻致惟每當陰雨則白雲瀟然

而起籠罩金山幾同白絮堆成迨雨過天霽則歸雲擁樹上下紛騰不蒂釜頭蒸氣人語祇堪遙聞犬吠如在天外奇景壯觀兼而有之

荒村古木 本境森林雖少而散生古樹到處可見而又以近村為可觀或老幹紛披或杈枒禿頂或遠望之如傘蓋圓張或有榦無枝如巨人之矗立或特立偃蹇厥狀難名或龍拏虎踞令人遠望疑忘超超然漸近而審睇之則皆常樹耳憑高遙矚頗稱奇景

晚霞籠翠 環城皆山中如仰孟春夏之際芳草芊綿碧綠如裊每當夕照銜山則山光石色反映晴空蔚為紫霞而太空紅雲

朵々聚散靡常所謂烟光凝而暮山紫籠罩全城下襯茸々翠色
上下靄然爭輝頗饒佳趣

春郊杏媚 本旗遍山野杏叢生如幸不為野火燒殘於春季
舒蕊開花粉白細嫩臨風搖曳婀娜生姿間以各種山花形々色
色萬紫千紅芬芳馥郁一望無垠誠洋洋々大觀也花開甚久自蓓
蕾以至結實約經兩月餘每當天朗氣晴惠風和暢則傾城仕女
聯袂偕遊如行錦城花國中令人心醉若經烟雲籠罩尤別饒風
趣夏末秋初結實纍々採之者甚夥公私收利頗宏古稱桃李芳
園以此較之則渺乎小矣謂為奇景孰日不宜

野濶天低 蒙旗遊牧為生到處多畜牛羊本旗亦烏能例外

四時晝夜盡數驅至野外牧放千百成群然茫茫曠野極目無際而天如覆盂四周接地以人之視線關係第見天之低而不覺野之濶矣牛羊散漫於原隰遠望之零星黑點如布棋子洵景色中之別寓佳趣者

野火繁星

蒹葭蒼々已是邊塞秋深朔風獵々又感乾坤冬

瘡所謂木凋草枯地老天荒繒纒無溫烘爐取暖之時也處斯雪地冰天更有何景之可言乃每於夜間時發野火即俗稱荒火大抵行道者因寒生火遂爾延燒白晝祇見青烟縷々若至夜晚則火勢蜿蜒隨地勢之起伏自遠望之幾同火蛇且時明時滅狀如繁星或有時如鬧市電燭燦爛光明動至連夜不絕奇景偉觀茂

以加矣

斜陽鴉陣 本旗以戶少村稀故多豐草叢樹烏樹繁息其中且以地近索山鴉鳥特多每當夏末秋初斜陽西下之際則群鴉突起往々遮天蔽日成行結隊啞々長噪或迴旋天空或翱翔村外此隊甫過彼隊又來陣々穿織半天頗饒活潑妙趣亦邊徼特有景色

第八項 陵寢——鄂博

本旗封建之後即以境內洮兒河南為奉安公族陵寢之地距河約十里自圖努瑪拉公以迄拉喜閏珠爾公共計九代均葬於此每代公爵及福晉陵寢圍成方形花牆一院共為九院自西北向

東南依序分列中距四五丈不等清光緒三十年出放安廣荒地
將陵界一段土地保留共計三百二十方寬長各十八滿里歷年
所收地租卽以之充祭祀陵寢之用并設事務所以董其事滿洲
事變之前該地迭遭水災匪擾以故開地無多戶口星散迨建國
後地方肅清始流亡漸集曩因年湮代遠各陵漸有殘敝經嗣公
今旗長巴彥那木爾修葺一新而可垂永禩矣鄂博為蒙族特有
到處可見臨近村莊之山巔岡頂類皆有之以石堆壘狀如圓墓
而大過之其制起於何代已無可考據大抵發端於佛教據喇嘛
之習經典者云佛經載有祭祀鄂博之經咒其為胚胎於此已可
知矣蒙旗迷信神權設鄂博以祭山川之神祇於舊曆六月二十

三日村人齊集其下擺設三牲麩菓等品環而祀之祀畢飲食其側以為樂畢一日乃止男女老幼往來雜沓歡談緊飲莫拘形跡頗極一時之盛觀此與古郊禘禮同不過郊禘者為帝王專行之典而此則齊民所與之事

平時蒙民行經鄂博必撿石塊一枚投置其上無空過者乃輒近以來因年荒匪亂此風稍殺建國後雖猶循舊典屆期舉行祭祀然不如曩時之熱烈不過點綴而已

又有所謂祭鄂博神樹之舉大抵年時亢旱則祭鄂博或其附近之神樹以祈霖雨不限於六月二三日即五月十三亦多有祭典者

總之祭祀鄂博為求風調雨順時和年豐之意蓋美俗也

第二節 氣象

第一項 氣候

(1) 氣溫

氣溫有大陸氣候之特性寒暑相差實甚冬季氣溫最低下之際地下凍結迄四五尺深不等冬季為最寒之季自十二月至一月末以迄五月頃則氣溫起始急激上升以至於七月之候則達於最高點自九月上旬則氣溫起始下降至十月上旬則氣溫下降顯著急激故致寒暑春秋二季甚短夏冬二季則長於冬季最寒季氣溫普通在零下三十七、八度於夏季最暑氣溫

則達於三十八、九度每年平均寒暑氣溫有一度相差之顯示

(2) 風

三四月及五月殆每日同樣自午前八時起疾風午后六時頃
始止自入夜以迄翌朝八時極為平穩普通均係如斯自六月
迄八月之間多平穩無暴風如伴隨降雨季節雖小有急風而
甚大之強風則絕少九十月之候風速增強然亦無暴風颶風
等十一、十二、一、二月之季節稍有強風以疾風甚多之
故故平地積雪殆為稀見之事

總之夜間常歸靜穩此為年內普通者也茲將四季之風向揭
示大體如次

春季 北 北東風

秋季 東 東北風

夏季 南 又北 北東風

冬季 西北風

第二項 經緯度

本旗之位置以經緯度測之如次

北緯 自四十五度五十三分至四十七度十一分之間

東經 自百二十一度九分至百二十三度十分之間

第三項 雨雪節期

(1) 雨

雨期以七八兩個月為多而以七月間為最多茲就各月別之分布所見則以十一、十二、一月為降雨最少時期至四五

月則次第增加迄於六月則一時的減少七、八兩月適為雨
期九、十月間又形減少要之綿亘連日常為稀見事大抵雨
過即晴惟七、八月中或有連日陰雨時也

年度平均降水量極為稀少年降雨量約在三七七耗內外

(2) 霜雪

初霜期普通在九月上旬終霜期在四月下旬或五月上旬於
五月中下旬之際亦有見霜之時然此乃稀見之事非年々如
此也

無霜期間大體為一百二十日內外

初霜則於十月上旬終雪則於三月下旬或於四月上旬亦有

時降雪

降雪量最少且以風多之故是以積雪極為罕觀也

(3) 氣象概況表

本旗之氣象概況大體如次

初	霜	九月上旬	
終	霜	四月下旬	
無霜期間		一二〇日內外	
結水期		十二月中旬	以車馬河川通行可能時為結水期
解水期		四月上旬	以車馬河川通行不能時為解水期
地下凍結始		十一月中旬	以地表結凍之初時作地下凍結之始期

地下凍結深度 四五尺之間

地下凍結終 三月下旬 以地表凍解之初時為地下凍結終期

第四項 日出入時刻

四季 日 出 時 刻 日 入 時 刻

立春 午前八時九分 午後五時四十七分

立夏 午前五時二十三分 午後七時五十九分

立秋 午前五時二十八分 午後八時十一分

立冬 午前七時三十五分 午後五時二十一分

第五項 歲時

立春 是節也正值農閑之候鄉村農人多整治肥料用車送

於田中

雨水 是節稍見溫暖正農人收拾燒柴以備田忙無暇及此
之用

驚蟄 是節也東風節凍楊柳已種租房搬家修理農俱等事
時起大風

春分 是節也池水將渙農人翻土拌糞拉送田中及和泥抹
牆等工作時起大風

清明 是節也日暖田融農村多種麥及預備各項種籽收拾
犁俱

穀雨 是節也為播種大豆之期旱田均可開始耕起矣仍多

大風

立夏 草木多華農人種高糧包米谷子等斯時大風殊少已

入雨季

小滿 是節大田應種者正忙於播種又開始耕種各般蔬菜

芒種 是節也耕田工作多竣事農村正開墾生荒亦有於此

時種糜稷等農物者

夏至 俗稱過了芒種不可強種然晚田如稷子蕎麥等正可

播種亦即種秋羅卜時

小暑 是節也為鋤田耘地之時種苗早者可鋤二次田矣亦

種秋白菜時

大暑 是節也各種青菜始登市農人鋤草培土工作已完開

始刈草作柴乃雨多時也

立秋 是節也為拔麥之候奈本旗種麥者少開始打羊草作

土坯備用瓜田搗尖截蔓

處暑 天氣早晚已涼農人鋤秋壟刈草打柴及乘閒修築土

工

白露 正農人田事已竣刈羊草打燒柴時也

秋分 早田之禾稼有熟者通稱秋分無生田然蕎麥糜子早

熟餘尚未收穫

寒露 正農村忙於刈穫中如稷子谷子高糧包米大豆各項

雜糧均依次收割

霜降 是節也割除已完忙於修理場園拉運已獲農作物中

詩云九月築場圃此也

立冬 正農村忙於打場生產物之收藏販賣時也起地豆砍

白菜芥菜等工作

小寒 是節也為酷寒期不能工作

小雪 是節時有冰凍亦有時降雪為農事工作全年終了之期

矣掘杏木疙疸打柴

大雪 販賣農產物購用品置備冬衣完納賦課時也掘杏

疙疸打柴打獵

冬至 碾谷碾面打柴打獵

大寒 是節也正鄉農忙於舊曆年關（春節）為一年結賬
了債之時



